



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四六四

天真閣集五十四卷天真閣外集七卷 孫原湘撰

一

長真閣集八卷（詩集七卷詩餘一卷） 席佩蘭撰

六一五

延月舫初集十卷 尤興詩撰

六七三

天真閣集

天真閣集

原湘主三時不知何謂詩也自丙申冬佩蘭歸予始學爲詩
 積兩年得五百餘首已亥歲省先大夫於奉天治中任盡呈所
 作陸次未訓曰汝之詩皆襲前人面目無一性靈語今後作詩
 須自抒情性一以忠孝爲本退而敬識之歷今二十載得詩三
 千八百有奇自眠與古人鮮有合處惟於先大夫訓未嘗一日
 忘爾佩蘭謝釵釧勸予陸續付刊因手自陶汰存其十之五六
 斷自己亥始者明先大夫教也嘉慶五年歲次庚申秋九月孫
 原湘自識

孫心青先生小像

無錫蕭華墅門生張式畫



是古臚以道腴時虎觀而鵝湖趨一耳曾淵珠璧琳琅充孔場
豁性情博宋唐用不光詩之昌

同歲生武進李兆洛製贊

天真閣集總目

卷一

詩一百十四首

卷二

詩一百五首

卷三

詩一百十八首

卷四

詩一百十四首

卷五

詩一百十二首

卷六

詩一百三十五首

卷七

詩一百十一首

卷八

詩一百十六首

卷九

詩一百二十九首

卷十

詩九十九首

卷十一

詩一百十八首

卷十二

詩一百二十二首

卷十三

詩一百一十一首

卷十四

詩一百二十七首

卷十五

詩一百二首

卷十六

詩一百十八首

卷十七

詩九十四首

卷十八

詩一百二首

卷十九

詩一百十首

卷二十

詩一百二十二首

卷二十一

詩一百十首

卷二十二

詩一百四首

卷二十三

詩一百二十八首

卷二十四

詩一百五十首

卷二十五

詩一百九首

卷二十六

詩九十八首附錄六首

卷二十七

詩一百五首

卷二十八

詩一百十二首

卷二十九

詩九十七首

卷三十

詩一百一十一首附錄二首

卷三十一

詩一百十七首

卷三十二

詩八十一首

卷三十三

詞六十四闕

卷三十四

詞七十七闕

卷三十五

詞六十六闕

卷三十六

詞五十八闕

卷三十七

詞五十五闕

卷三十八

聯句詞六十一闕附錄一闕

卷三十九

文二十二首

卷四十

文十六首

卷四十一

文十七首

卷四十二

文二十一首

卷四十三

文二十二首

卷四十四

文二十三首

卷四十五

文十七首

卷四十六

文十七首

卷四十七

文十八首

卷四十八

文十四首

卷四十九

文十七首

卷五十

文十三首

卷五十一

駢體文八首

卷五十二

駢體文十首

卷五十三

駢體文十三首

卷五十四

駢體文十五首

卷一

詩一百二十四首附錄一首

卷二

詩一百二十二首附錄一首

卷三

詩一百十八首

卷四

詩一百三十五首

卷五

詩一百五十二首附錄三首

卷六

詩一百三十首

附小像在總目 墓誌銘 行述俱在墓誌銘

附長真閣詩集

卷一

詩一百十五首附錄一首

卷二

詩一百十七首附錄九首

卷三

詩一百十八首附錄五首

卷四

詩一百三十七首

卷五

詩一百十四首

卷六

詩一百十六首附錄九首

卷七

詩二十三首附錄五首 附詞十七關附錄一關

天真閣集卷一

昭文 孫原湘 子瀟

藝

屠維大淵獻

登白雲栖絕頂

一峯插雲雲不穿雲中忽漏山左肩一峯穿雲欲上天亂雲又復蒙其巔峯低峯昂雲作怪雲合雲離變山態殷勤挽山入雲中倏忽推山出雲外隔雲看山山不寄入山看雲雲無形但覺雨踈踈煙冥冥不知深林積翠外白日自在空中行我巡撥雲出其頂始覺雲高不如嶺足踏雲頭萬朵飛下方看作青霄影

汪東山先生秋帆圖

一帆秋色挂斜暉津鼓船頭慢促歸櫓頂西風烏拍拍背人還向帝城飛

天真閣集卷一

宦游征帆及早收全家歸夢載輕舟皇華四牡秋風裏多少關山望白頭

贈婦

花裏思親淚暗彈香車緩緩出離闌原知此別相逢易祇恐歸期自定難風日忍教休潯葛羹湯誰解普調蘭高堂已是承歡慣不喜梁鴻獨問安

病起

入簾草色已春殘睡起窗西日幾竿緩緩幽尋疑徑滑亭小立覺風寒客知叔夜交遊懶婢伺康成喜怒難賴有蜀房如學舍一編橫放兩人看

述懷

所志在窮達便非經世才不從憂患始神智焉得開荷鋤東皋

畔行吟且徘徊今日不努力明日成蒿萊
自佳不敢與物忤亦懼爲俗諧一簞聊自足蔬食非清齋回也
卧窮巷益稷同心懷

魚目與明珠人情判憎愛以珠易魚目魚也安所贖萬物各有
能彼此不相代一低而一昂適用乃足貴

故衣不如新新人不如故衣故外不堅人故中益固新人初入
門皎潔裁紉素穿著著奉君歡能得幾回顧後房失寵人昔亦被
寵遇檢點錢金箱猶存合歡綉

飲酒須飲醇結交須結真丈夫重結納不在富與貧結納重意
氣不在疏與親田園堂上酒未醉心先曠何如松柏悅以性匪
以身吁嗟世人忍骨肉如浮蘋同氣且不顧何況尊酒賓載詠
秋杜詩曰豈無他人

春夜

《天真閣集卷二》

二

夜深清影立中庭一陣濃香撲畫屏隔院有人低送語桃花扇
底數春星

雙蘭詠

春風靜影護紗紗一種幽情碧玉家絕色自能兼眾美水仙梅
瓣又荷花

別有芳心素更馨一枝如玉影亭亭尹邢畢竟誰高下分占燕
姬謝女庭

海棠爲東風所殘歎

太真死後魂搖搖隨風散作花妖嬈二分丹霞一分雪春情只
怕風吹消綠章曉奏通明殿乞借春陰護花片豈知反怒十八
姨胭脂亂落紅綿飛龍武將軍跋扈雄以逼天子爲奇功千秋

戾氣消不得化作今日之東風此花亦以色招禍香霏閣上香
魂墮千古名花比美人天下傷心誰似我我無神仙術又無返
生香天公雨露救不得人閒茵溷都茫茫瑤瑤空庭亦何益已
無一笑嫣然色便欲重吹上故枝東風亦自難爲力我恨東風
轉汝憐吹花能得幾時顛一逢赤帝行權日讓與南風唱采蓮

小石洞

古洞劈雙崖青天細如髮微風忽入來搖碎一潭月
清露滴寒潭琤琤靜可聽高語鶴驚飛潭中有人應
六月洞先秋泉光照人冷一片碧琉璃中無熱官影
洞中如古井冬月轉和煦亦自有炎涼難爲外人語

藤溪

喜極探幽興能隨路不窮雲移松影上花落鳥聲中空翠霏霏
雨輕衣澹澹風臨溪休悵阻自有小橋通

《天真閣集卷三》

三

鵲鴿峯

一雨夜山綠孤峰獨超妙天上青芙蓉萬綠不能肖紆迴數百
折欲到未可到忽逢異境開驚喜出意料修蛇曼飛梁鬼斧鑿
幽奧蝙蝠飛颺颺次第穿洞窅窅遶壑奔流泉自應官商調微風
天半來豁然起長嘯

落日

落日下午青山半天人語迴回頭一老僧獨立松峴頂

蘭開有故人至

薤草草不去種蘭蘭不芳春風一以吹衆葉忽萎黃
中孤籬生幽香覽之實怡顏芳風集衣袂有客扣門來歡然命
一觴吾儕得知己蕙與蘭成行形骸靜而古氣味淡以長幽香

在空谷天地寧閉藏乘茲春日好杯酒聊相祥

連夕夢至奉天江右時家大人官治中伯兄通判九江
纔上江查復海查勞勞春夢繞天涯何如身作他鄉客夜夜歸
魂只到家

抵郡

沙棠之柅木蘭舟夢逐春潮一夜流細雨輕寒人未醒賣花聲
裏到蘇州

將赴奉天與邵虛中燕別卽送之南安

離亭落日絮漫漫君倚征蓬我跨鞍握手祇憐相去遠銷魂俱
爲獨行難君書雁足七千里我夢猿聲十八灘一樣天涯兩不
見雙峰如柱各分看

野雞沱陷車和張子和上舍夢韻

天眞閣集卷一

四

車行陷危沙如鳥渡積雪欲前不得前東翅飛蹶蹕左無六鰲
挽右無五丁掣百步不盈丈一步一傾跌征夫踟而顧御者怖
欲輕馬蹄互驚踐馬首亂號鬪鞭疲人亦疲鞭馬如鞭鐵故鄉
三月時戲走章臺瑤轡鋪柳葉紋汗灑桃花血彼何逸而工茲
乃勞且拙拙未必駕駘工未必雄傑易地則皆然此理當剖別

翹莊鋪和子和韻

暝色皴孤烟月上寒林早車聲向鄰鄰合我雙鬢稿蒼蒼道旁
樹秋雨半推倒枝葉苦搖落不辨梨與棠炊烟幾人家野黑山
回抱驅馬入門來紙窗風浩浩落葉三兩聲離入鄰砧擣清響
度寒霜驚人歸夢好

出山海關

四扇門開萬里通五雲高射日瞳瞳重重山抱長城險混混天

浮渤海空邊將當年誰李牧王師曾此破樊崇自來神武論
功地不數潼關第一雄

澄海樓望海

振衣百尺樓天風何浪浪天光與海色一氣同青蒼是時日初
升赤霞燒扶桑照見諸島嶼波上爭低昂浮雲從西來萬馬奔
洪濤氣卷五嶽走天地俱動搖人坐此樓中勢若隨波旋白日
倒入海青春走上天念當乘風去元覽極八埏回頭顧人世一
點如秋煙

醫巫閭山

古鎮幽州重分封虞興隆地原孤竹國山出萬松叢與萬松橫
跨中邊界全資保障功職方圖壯濶望秩祀尊崇殿宇何年建
祈禳此日同降神非舜意尙鬼襲殷風百戰誰銘石千秋待挂

天眞閣集卷一

五

弓峯奇滋黯慘名怪惑愚蒙爾雅箋難到侏僂譯鮮通鞭餘秦
政迹煉豈女媧工翠落浮滄海泉飛溼半空最高摩帝座直下
瞰龍宮雲氣連長白嵐光化彩虹呼鷹回劣前立馬仰龍從儻
可重關入應爭五嶽雄如何倚天外獨自秀遼東

盛京

長白東來此一束桑麻萬井繞皇宮縱橫不限旗民界熙暎
都忘富教功漢帝故鄉思沛邑周家王業重幽風回頭頓覺金
陵小一涉繁華氣不雄

登醫巫閭嶺

萬朵芙蓉影晴空一笑開氣含滄海溼秀接白山來天半書聲
落東丹王托雲性好讀書築堂欄前畫角催飄然有仙意立馬
障廢臺

七夕

不是無歸意何曾得自由鄉心愁入夜病骨怕逢秋一雁穿雲度孤螢帶水流阿誰堪此夕獨坐看牽牛

車行

車行無歷日一路數秋光北冷南猶暖人閒馬自忙坐多教食少眠短覺天長家近心逾急前途又夕陽

舟次常熟界

船頭日出聽鄉音僮僕端喜色侵翻憶魚書傳病耗偶逢鴉噪轉驚心自憐衣袂風塵滿卻喜詩篇閱歷深料得閨中凝望眼海棠開後到而今

歲暮書懷

布韉青鞵走萬山手題詩句滿人寰才慙江左無雙士名出遼

東第一關逸足羈遲驅轍下雄心收斂酒杯閒即今高卧蓬衡

枕海日蒼蒼夢裏攀

上章困敦

春游

扁舟搖出市梢頭碧浪生珠簫箇浮芳草欲迷歸蝶路桃花剛缺倚人樓二分明月揚州癡十里春風蕩婦愁分付隄邊老楊柳莫吹飛絮上簾鉤

子夜歌

卷簾如有待夜久燭花滅風吹桃李香疑是歡氣息穿鍼對明月與歡製新衣著向人前看焉知是妾絲食蟹多遺螯食橙多遺肉何事可郎心只道顏如玉但願情如水不願情如蜜如水平常深白髮照成素

行路難

有鳥有鳥啼春時幽簧細管臨風吹誰家妝閣盡簾卷新聲宛轉愁蛾眉一夜春塘絮如雪以聲媚人聲頓拙翻身善藏結其舌不如子規夜夜猶啼血子規啼聲作何語行不得也奈何許天之高兮水之濶鳥乎鳥乎將安歸君不見弋人張弓目在汝朝向深林夜尊俎君今莫道天際寬君今莫道水際安為君一歌行路難

門神

粉墨塗將面目成倚誰家世列簪纓宵來豈識司關閉賓至何曾管送迎未可辟人聊辟鬼居然難弟與難兄傍人門戶誠良策只恐匆匆歲易更

敗筆

霜鋒退盡墨痕枯鬢髮蕭然一禿儒五色夢中纔頃刻雙鸞眉上費工夫魏如荒冢營先就管是空城膽亦孤託把人間忠孝記頭銜猶號中書無

春莫郊行

惜別已惆悵林鳩更亂鳴一峯天外秀萬綠雨邊明小立吟愁定微寒酒病生飛花最無賴偏落美人塋

客有問吾邑者書此答之

輕紅塵裏小蓬萊書閣文疏對岸開七水流香穿郭過半山飛綠進城來酒多按節傾家釀花不論錢遍地栽莫笑耕夫多識字梁時便有讀書臺

東子和

半欲天陰半似晴薄寒猶自帶餘醒夢為曉寺疏鐘散愁與春

江遠水生二月看花空走馬一城飛絮又啼鵲斷腸說與君知道更有何人共此情

眞秀閣

雨後看雲盡出城最高樓閣有餘清一簾空水搖天碧半壁殘虹浴海明花與蝶飛時下上書無人揭自縱橫不知何事憑欄立落日蒼茫百感生

立秋夜

小榼香醪細細傾閒窗一葉報秋聲呼童試卷湘簾望月向梧桐缺處生

七夕

天上日月疾一歲如一日一日一相逢猶自嫌離別

秋夜

《天真閣集卷一》

八

雲散碧空際夜涼秋滿庭霜兼孤月白竹助一燈青瘦影同花立高吟與雀聽此時清意味知有幾人醒

泛舟湖田

四山忽已暝迢遞寒煙生扁舟放柳下一櫺涼風輕夷猶蕩波去夾岸哀蟬鳴秋荷悄無語露下珠盈盈美人隔花立綽約含幽情拍手且笑歌一曲滄浪清

山塘

落日客應散翻多嬉水濱燈輝空亮月花氣奪濃春舫盡宜吹笛樓無不倚人官民同一慨風俗未知貧

五人墓

奮臂一呼起萬人揮手同萬人仍散盡諸子是豪雄卽毀生祠地而彰俠烈風何年得高士穿家學梁鴻

白雲栖八景次僧化韻并序

虞山最高處曰鶴峰峰下有石屋陸堅吳地記稱爲太公望隱居屋上銳下廣俯視若深井旣入乃明敞仰見洞口綠蘿作環珞狀石根清泉涌出倒涵碧天氣蓬蓬上蒸如露珠還滴池中琤琮可聽旁故有小庵甚陋且敝先大父朝議公出家財創五十楹榜其門曰白雲栖授僧化輩主之僧故工詩倡此八詠邀余和焉

小山拱案

飛落芙蓉小當門不可攀晴開三面閣秀對一拳山古佛有興廢白雲時往還天遺青玉案只在翠微閒

湖橋繫艇

《天真閣集卷一》

九

萬頃湖光白中橫一綫橋春來水楊柳時繫木蘭橈落日無心見臨風舉手招登臨如有意策杖未須遙

鶴峰樵唱

但覺高歌起西南第一峰不知明月裏何處仙人蹤雀語諸天水笙酣萬壑松市朝空有耳只聽五更鐘

龍港漁歌

聞道山頭石曾開尙父廬至今山下客猶學涓濱漁高唱驚秋水回風入太虛莫教波浪涌恐有蜃龍居

石屋春蘿

一笑山花放輕蘿亦自春與苔添作髮妝樹老成鱗挂壁疑無地當門欲礙人阿誰誇絕代補屋此西鄰

藤溪夜月

誰抱清溪月娟娟挂古藤明珠一蕩漾龍影欲飛騰山骨經秋洗詩情與水澄天風吹髮冷莫卜最高層

洞泉沁雪

洞口溶溶雪雲根滴泉陰寒偏入髮閒繫定何年味自別諸澗光常涵一天惟應散花女來此照舞娟

山閣看雲

開閣放雲出而還登閣看蓮花三百朵盡入海漫漫石色含秋雨衣裳弄晚寒下方應望澤莫戀住峯巒

讀淵明集

牛隱神仙半隱耕桃花原記自分明種桑久已非吾土采菊聊還竟此生劍術未忘歌壯士玉瑕何礙賦閒情一篇歸去來辭在慚愧儲王學未成

全真閣集卷一

十

內子思結一廬於湖上屬余賦其意

耦耕心事盡眉年小隱須尋屋似船四面不容無月到一生常得對山眠只消春酒如湖水盡種梅花作墓田未敢便乘蓮葉去怕人猜著是飛仙

書夢

一片詩魂呼不起杳然逃入酒杯底身騎蛺蝶上青天手摘明星似蓮子飛霞仙佩珊珊迎青女素娥俱有情八月九月生日好各占秋氣爲聰明贈我合歡無縫之羅襦上綴明月不夜之美珠著來光華無處無二十八宿俱饌餽此情怕被玉皇知玉皇大笑情非私無情至鐵尙引磁萬物何礙長相思長相思淚不休化爲黃河九曲水自天直至人閒流廣寒嶺山雨迢迢臨行空解雙瓊瑤影可望不可親招之亭亭在雲際始覺我是人

閒入天風浪浪生紫瀾欲往從之兮霜清月寒覺來煙霞在衾裏松濤一枕翻秋水

九月六日風雨偶憶潘邠老句賦此分寄兄弟

如此江山儼畫中水雲變滅米南宮當頭早下催詩雨作勢先狂落幅風十里人煙黃葉東一城秋氣墨紗籠年年佳節偏愁絕獨對遙天數斷鴻

寄懷江陰蘇梅坡學博

遶屋扶疏稱野居幽人午倦定拋書綠苔青簑瀟瀟雨紅蓼花中獨釣魚

宿清涼寺

果是清涼境非秋氣亦澄詩情生落葉客夢結殘燈徑吠穿雲犬門敲踏月僧深山如太古况乃最高層

全真閣集卷一

十

送人楚游

爾亦非無計知君有去心離情懸落日別路動寒砧聞道湘江水相思似此深如逢西塞雁一爲寄南音故鄉城上月飛去送君行清影落余抱相思一夕生潮聲漢陽渡秋色武昌城努力西風裏休街遠別情

古別離

握手上河橋秋氣殊凜冽所事在君父敢效兒女別陰風蕩四野但見沙與雪自古無人煙鬼魅亦都絕朝廷銘戰功何年及戊卒今日隴頭人明日沙場骨磨刀隴頭水水流作嗚咽水尙知縈迴人胡甘承訣

冬日雜興

秋氣從空來南山不能塞萬木皆怒號怪石獨靜默望白露

零芙蓉落江北由來成功退詎以造化力丹楓誇盛顏實已變本色

步出北郭門蕭蕭白楊樹不見逝者還但益生人墓爲歡能幾何白日已遲莫何況盛顏子中道忽朝露天馬騁輕逸蟾蜍願安駐

仰首見明月停杯一問之昨日金鏡滿今日白璧虧胡不守常度而此消長爲豈知微虧理已萌至盈時然而日常滿理又安可知

寒夜月
楚鐘流響入雲端催出雲中白玉盤皎潔不輪秋夜好烏啼霜冷有誰看
重光亦奮若

情
脈脈盈盈只自知深於潭水細於絲惜花易老空成恨願月長圓直是凝寄與芳心紅豆子折來纖手綠楊枝人生何處能忘卻半是相逢半別時

伍子胥
白髮吹簫一市驚偏師直搗郢州城復讐已快鞭尸願窮士仍宜乞食行三諫赤心沈水底千秋碧血奮潮聲還愁地下先王怒誤把青宮事問卿

要離
生來細小畏迎風能折柳邱廣座中獨爲君王除禍患誰憐公子勢孤弱奮身江水千層雪回首家人一炬紅欲附魚腸成合傳補他遷史紀匆匆

岳忠武

三字分明獄未成如何園土報戶橫偏安早定平王計返駕先愁叔武迎若揭黃龍成痛飲難刑白馬乞和盟此開大好江山在恢復何勞萬里城

于忠肅

大明天下高皇造社稷危時君自輕一柱獨排南渡議九門親調朔方兵得歸鄭伯知誰力必殺元咥始有名儻使青衣終北狩問渠何處奪門迎

吳中

梧宮梧葉響蕭蕭王醉王醒莫復朝敵國已深嘗膽恨傾城祗覺捧心嬌非關鳥喙能爲沼誰遣鴟夷怒作潮父奪江山兒斷送九原都愧見王僚

蜀都

此是沛公初王地龍孫天與作西都老臣淚盡三巴水敵國心驚八陣圖自可中興存季漢誰令薄伐向東吳永安宮裏啼鵲恨不及彎弓射赤烏

汴城

一著青衣竟北行燕雲回首事淒清金甌那顧坤輿缺花石惟期良楸成資敵誰拌三鎮地勤王空集兩河兵故宮膳有銅駝在從此東京是錦京

臨安

一檜幾亡一檜生小朝廷自樂昇平中原竟淪江淮界幾何爭叔姪名五國城空無馬角六橋秋好有蟲聲復讐自是春秋志千古秦韓一例評

擬古詩

場上雞啾啾隨母走人乎不如爾有母

大木不斷人道朽貧女不嫁人道醜

冤玉作石破璞自釋心在腹中何由得白

水不容舟不如返山不容車不如轉人乎不容其何免

燕雛雙雙毛羽乾東西一去兮不復還

味歸於舌腹受其質孰得孰失

饑人夢糧東人夢裳遠人夢鄉

家貧思健妻天雨思惡衣

刻木爲雞口不能啼掘土作狗脚不能走

蜀雞生卵越雞負之子不認母母不認兒

月缺蚌瘦月圓蚌肥天上人易見水中人不知

落花行

笑真園集卷一

古

我欲把酒問東風春時何故催花紅前情太濃後情薄自君開
之自君落更欲把酒問花枝落何容易開何遲既不令人常見
面何不當時不相見花枝有色本無聲問之不答豈有情何況
東風更縹緲碧空誰作傳言鳥百尺樓中萬斛愁閑雲一窩月
一鈎月將雲影紛紛弄鈎引花枝來入夢別樣精神別樣嬌風
吹仙袂何飄飄綽約絕似倩妝女掩面低頭不一語霎時風力
又飛揚化作紅雨霑衣裳癡魂片片忽驚破依然被擁殘花臥
眼中春比夢中春一樣匆匆看不真乃知夢境不全假真境亦
猶如是也底須著意問風花河陽金谷空繁華風本虛無花更
幻萬樹何曾留一瓣不如對酒且高歌桓伊搔首喚奈何君不
見綠珠墜樓太真死千古佳人亦如此

雜言

早慧不慧早嬌不嬌晚花花好晚晴時老妍嬌在情色居其名
情以才展恃情者淺

雙燕歌

雙燕復雙燕去歲花時江上見今年花發樓空翠襟宛轉雕
梁戀噫噫悲哉君不見龍門峽口望夫山望夫夫不還精
靈化作山上石風號雨哭啼斑斑又不見南寧南下留人石苦
意留君留不得日月摩盪石上生蒼茫一片寒苔色爭如比翼
無差池相呼相傍連理枝碧桃子落已成樹深情密誓何嘗移
胡爲乎天有星分參商隔銀燭兮遠望雙燕兮翺翔我歌兮短
長立延佇兮徒傍徨淒淒淒淒日來牛羊龍門之桐巢斥鷃枳棘
不得被鳳皇倒行逆施心不可知已惟有南山岡鄉人昨日初

笑真園集卷一

五

到縣觀見路旁高牙大纛傳呵殿太守除道迎將軍弓箭車
中繡服金麒麟白晢通侯路人羨然而其容感以變云將飛渡
交河握機槍馳入敵中叱風雲而決戰僮僕肥飽骨肉不相見
富貴不如貧且賤君不見梁上燕

葉婦詞

縣縣春蠶絲製君身上衣君衣有破日蠶絲無斷時憶昔入門
來歡愛兩不離食非妾不飽坐非妾不宜不敢恃君寵惟恐恩
情移何期中道變棄妾真如遺昨日妾對鏡猶是嫁時姿婦人
失夫心含冤敢訴誰灑淚將出門宛轉前致辭新人奉君歡冷
煖比妾知願君愛新人勿更如妾疑

懊惱歌

春蠶怨桑葉腹中爲汝絲抽絲日煎苦何如不食時

白玉碾作環往復無終始與郎少相歡不記何時起
織布織衣裳教儂繡花草絲綫難縫功多難見好
東鄰新嫁女顏色號傾城傾城吾不願難得是郎情

客有善飲者戒余作詩書此答之

今年風月好信口吟長篇有客扣門來握手同歡然呼童攜一
斗花下開芳筵酒半客語余吟事應棄捐不工制舉文詩美徒
翻翻搜索自苦耳不如抱遺編余曰君太拙嘯傲何妨賢人各
有所好愛博情不專馬能行險路胡不如牛耘春田車能載重
物胡不如舟涉大川如君好飲酒一日費萬錢勸君姑勿飲道
逢麴車空流涎我今不善飲一酌頽然眠我若能飲酒狂酣搖
落五嶽蓮詩酒本相合爾我情性居其偏我自爲詩隱君自爲
酒仙知人則明自知暗相與大笑看青天

苦熱

天眞閣集卷一

大

陽鳥西行戰火龍兩翅扇排當空五嶽蓮華翠乾死海水欲
沸龜龜宮我家一椽大如斗坐若深甕添柴烘有木皆焦手可
炙有席自煖身難客攤書祇覺花眩眼捫管已苦珠流曾安得
卻暑如意厚虛堂白晝生清風卻憶田家更辛苦踏車男婦溝
西東堅土不動犁不鬆兩股欲折腰如弓我讀書彼務農勞逸
靜躁迥不同讀書尚可掩卷坐農事作輟田無功人生不幸爲
耕備一日之惰終歲窮君不見城中富家翁瓜浮碧碗酒泛鍾
九月十月交初冬開倉積米高如甬欲將辛苦告富翁富翁堂
中縣官告諭如虹紅

迎秋曲

幽人心中秋有聲一聲入破天無情千聲萬聲一聲起凡物不

得平皆鳴瑤街無塵銀漢迴涼月自來弄疏影洞開綺閣捲晶
簾手擁孤衾抱秋冷織女寒窗織未休金梭溼露重難收絲絲
盡是愁腸出織就江南一片秋

對月

一片秦時鏡風吹上碧雲百年人幾見萬里影平分之于渺何
處遙呼不可聞南樓叫征雁落葉已紛紛

麗人行

有酒易醉花下人有金難買花前春美人十五瓜未破夜夜微
酣抱花卧春風學得柳婆娑鄰家女兒羞舞腰長安貴人初賜
第高築層臺貯小喬綠波一朵紅蓮起醺李穠桃盡休矣啼笑
俱能博主憐徹夜歡聲朝不止天生尤物不福人用盡黃金貴
人死貴人死美人逃胸前帶得金錯刀和煙和月築樓住開牕

天眞閣集卷一

古

自弄秦時簫美人門前五陵騎裝馬風流稱人意使君有婦羅
無夫相逢何必還相避君不見梁綵珠花飛玉碎何其愚季倫
得罪金谷改胡不善保千金軀又不見關盼盼紅裙香消真夢
幻尙書劍鳥已如塵及早開簾召雙燕貴人之富富不如石崇
貴人之官官不如建封生前黃金鑄嬌女死後他人樂歌舞劉
伶愛酒酒爲生潘岳種花花對語至今花不開潘岳墓前春酒
不澆劉伶墳上土

秋聲詞

蒼林如煙水如練秋風吹破青雲片北山落葉飛南山鬼氣從
中亂交戰清如一笙吹徹巖山巔亂如萬馬爭渡黃河邊細如
小窗兒女喁喁然洪如洞庭張樂聲填填幽如孤舟接婦思纏
綿猛如戰場號令風雷傳憤如平原狂生搥鼓公卿前悲如衝

冠壯士挾劍離幽燕一聲兩聲不同調千聲萬聲各相肖借問何年天竅開應是媧皇補不到我欲招封姨前爲我靜鎮金行天不許鳴條弄聲息豈容扣戶驚秋眠更欲招青女說莫向人閒作威屑若無敗葉望秋零那得空庭響蕭瑟招之不見心徒勞孤燈一點秋梧搖壁上嘯出百鍊刀明月不動青天高

缺牆

種竹必經年種花必踰月對岸有青山自補牆頭缺

九日登山

晚晴蟾巖上煙嵐四望雲山總不堪兄隔西江弟東海孑然身獨在江南

出郭尋友人不遇

新晴出郭望山亦放愁容秋水昨朝雨夕陽何寺鐘路緣青草

《天真閣集卷一》

大

斷門是白雲封翻道城中去歸途儻得逢

猛虎行

風淒淒雨霏霏孤燈夜聽鬼啼知是空山猛虎宵愁饑朝來春雪滿山屋郵路泥深印虎足追尋蹤迹入山坳白骨纍纍血漉漉君不見前郵失小兒後郵失黃犢黃犢亡田無穀小兒死寡婦哭上帝好生心至仁未能執法加殲戮胡不令人食其肉而反縱之食人肉

嬌香樓歌

秦淮一片焦土香當時美人樓上妝樓前桃花似人面而障桃花定情扇忽來豪奪勢紛披墜樓寧作飛花飛血痕汚扇更更好一滴一花花不老甲申三月桃花明無愁天子來中興宰相誰馬士英防江誰阮大鍼隔江城頭刁斗驚宮中歌舞春燈明

扇上桃花只幾片扇外江山血流過不須更說李與張滿紙刀兵一家戰嗚呼四鎮驕送南朝南朝空走狡童亂軍中尸史閣部斷頭將軍黃得功忠臣熱血恣飛灑一齊爭作桃花紅氣節何論男與女樓中如花霜可拒君不見天津二月桃花開又見侯生應舉來

冬郊

冬郊能見遠幽興與之清落日尖峯指孤雲禿樹撐獨行忘晝意一逕得詩情欲過溪橋去蒼蒼暝色橫

《天真閣集卷一》

九

天真閣集卷一